



„ჩინგუძი საცაბთუელთა, სიბუძი ჩუენ ვაბთ ყულათ“

სენაკის მუნიციპალიტეტის თავისუფალი გაზეთი

გამოდის 1923 წლის 1 მაისიდან

სენაკის მუნიციპალიტეტის თავისუფალი გაზეთი

2021 წელი • №1-15 (9509) • 1-15 აგვისტო • ფასი 50 თეთრი

2021 წლის 2 ოქტომბერს გაიმართება ადგილობრივი თვითმმართველობის არჩევნები №64 სენაკის საოლქო საარჩევნო კომისიის შემადგენლობა

№	სახელი, გვარი	თანამდებობა	ამრჩევი / დამნიშნავი
1	ცოტნე შუშანი	კომისიის თავმჯდომარე	ცესკო
2	ვახტანგი ჯალალონია	კომისიის თავმჯდომარის მოადგილე	ცესკო
3	ვენერა პირტახია	კომისიის მდივანი	ცესკო
4	ალექსანდრე ქაჩიბაია	კომისიის წევრი	ცესკო
5	თამარ ჭანტურია	კომისიის წევრი	ცესკო
6	გიორგი გვასალია	კომისიის წევრი	ცესკო(დროებითი)
7	თამარი კვარაცხელია	კომისიის წევრი	ცესკო(დროებითი)
8	ირაკლი გუგუშვილი	კომისიის წევრი	ცესკო(დროებითი)
9	ნარგიზა გარუჩავა	კომისიის წევრი	პ/გ „ქართული ოცნება-დემოკრატიული საქართველო“
10	იამზე გოგინავა	კომისიის წევრი	პ/გ „ევროპული საქართველო“
11	თამარი სამხარაძე	კომისიის წევრი	პ/გ „ერთიანი ნაციონალური მოძრაობა“
12	გელა თოფურია	კომისიის წევრი	პ/გ „გიორგი ვაშაძე-სტრატეგია აღმაშენებელი“
13	ბელა ქამადაძე	კომისიის წევრი	პ/გ „ევროპელი სოციალისტები“
14	ბექა ჯოჯუა	კომისიის წევრი	პ/გ „საქართველოს ევროპელი დემოკრატები“
15	ეკატერინე აბშილავა	კომისიის წევრი	პ/გ „ლელო საქართველოსთვის“
16	ანა კვიციანი	კომისიის წევრი	პ/გ „გირჩი-მეტი თავისუფლება“
17	ლევანი ცომაია	კომისიის წევრი	პ/გ „ალეკო ელისაშვილი-მოქალაქეები“

მუნიციპალიტეტის მერიამ

13 წელი - აგვისტოს ტრაგიკული მოვლენებიდან



სენაკში, პატივი მიაგეს 2008 წლის აგვისტოს, რუსეთ-საქართველოს ომში ქვეყნის ტერიტორიული მთლიანობისათვის ბრძოლაში დაღუპული მებრძოლებისა და რუსეთის აგრესიას შეწირული მშვიდობიანი მოქალაქეების ხსოვნას.

ხსოვნის მემორიალი გვირგვინებით შეამკეს სენაკის მუნიციპალიტეტის მერმა ლევან კუპრეიშვილმა, პირველმა მოადგილემ გრიგოლ ბალათურამ, საკრებულოს თავმჯდომარის მოადგილემ ბადრი კალანდარიშვილმა, აგვისტოს ომში დაღუპული სენაკელების ოჯახის წევრებმა, ადგილობრივი თვითმმართველობისა და საზოგადოების წარმომადგენლებმა.

ხსოვნის მემორიალის შემკობის შემდეგ, დეკანოზმა იოანე კუპრეიშვილმა, წმინდა იოანე ნათლისმცემლის სახელობის საკათედრო ტაძარში, აგვისტოს ომის მსხვერპლთა სულების მოსახსენიებელი პანაშვიდი აღავლინა.

13 წელი გავიდა აგვისტოს ტრაგიკული მოვლენებიდან. რუსეთის აგრესია, დასავლეთ საქართველოს

მასშტაბით, ყველაზე მძიმედ სწორედ სენაკმა იწვნია.

ბრძოლის ველზე გმირულად დაეცნენ სენაკის მეორე ქვეითი ბრიგადის კაპრალები: თემურ ბოკუჩავა და ლევან თეფანია, ქალაქის დაბომბვის შედეგად დაიღუპა სამი მოქალაქე: მეირა ინჯგია, ჯონი და როლანდ ქარდავები. იყო მსხვერპლი სენაკის მეორე ქვეითი ბრიგადის ბაზის დაბომბვისას.

„მინდა განსაკუთრებული მონივნება გამოვხატო ჩვენი დროის გმირი ჯარისკაცებისა და რუსეთის აგრესიას შეწირული მშვიდობიანი მოქალაქეების მიმართ. ქედს ვიხრით მათი და, განსაკუთრებით, ამ უმძიმეს დღეებში დაღუპული ჩვენი თანამოქალაქეების ხსოვნის წინაშე. მათი სახელები არასოდეს მიეცემა დაიწყებას“ - აღნიშნა ლევან კუპრეიშვილმა.

სენაკის მუნიციპალიტეტის მერიამ, სოციალური პროგრამის ფარგლებში, 2008 წლის აგვისტოს ომში და ავღანეთში, Iზაფ-ის მისიაში, დაღუპულთა ოჯახებს 500-500 ლარი გადასცა.

შეხვედრა საჯარო რეესტრის ეროვნული სააგენტოს წარმომადგენლებთან

სენაკის მუნიციპალიტეტის მერიის სხდომათა დარბაზში, საჯარო რეესტრის ეროვნული სააგენტოს წარმომადგენლებმა, მუნიციპალიტეტის ადმინისტრაციულ ერთეულებში მერის წარმომადგენლებსა და კოორდინაციის განყოფილების სპეციალისტებს „მუნიციპალიტეტის მიერ საკარმიდამო მიწის ნაკვეთზე ცნობის გაცემის შესახებ“ იუსტიციის მინისტრის სარეკომენდაციო ინსტრუქცია გააცნეს.

სამუშაო შეხვედრას, რომელსაც მერიის ადმინისტრაციული სამსახურის უფროსი ნანა ზარანდია, ადმი-



ნისტრაციულ ერთეულებში საქმიანობის კოორდინაციის განყოფილებისა და შესაბამისი სამსახურების წარმომადგენლები ესწრებოდნენ, საჯარო რეესტრის ეროვნული სააგენტოს ქონების რეგისტრაციის დეპარტამენტის მენეჯერები: დავით ახალბედაშვილი, ნაირა სარდლიშვილი და გეოსაინფორმაციო სისტემების

ოპერატორი ნატო მერმანიშვილი უძღვებოდნენ.

შეხვედრაზე, რომელიც კითხვა-პასუხის რეჟიმში მიმდინარეობდა, წარმომადგენელი იქნა პრეზენტაციები სარეკომენდაციო ინსტრუქციის შესახებ, იმსჯელეს მუნიციპალიტეტის მიერ ადმინისტრაციული წარმოების ჩატარების და ცნობის გაცემის პროცედურებზე.

(გაგრძელება გორე გვერდზე)

გ ა ნ ც ხ ა დ ე ბ ა

მუნიციპალიტეტის წარმომადგენლობითი ორგანოს - საკრებულოსა და თვითმმართველი ქალაქის (თემის) მერის 2021 წლის არჩევნების 2 ოქტომბერში დანიშვნასთან დაკავშირებით „საქართველოს საარჩევნო კოდექსის“ 50-ე მუხლის მე-2 პუნქტის „მედიის მიერ წინასაარჩევნო კამპანიის გაშუქების ზოგადი რეგულაციების“ შესაბამისად მედიისათვის განსაზღვრული ვალდებულებით, რაც საზოგადოების არჩევნების შესახებ ობიექტური ინფორმაციის მიწოდებას და არჩევნებში მონაწილე პარტიებისა და მერობის კანდიდატთა თანაბარი პირობების შექმნას უკავშირდება, გაზეთ

„კოლხეთში“ წინა საარჩევნო ავიატაციისა და რეკლამებისთვის გამოიყო მიმდინარე წლის აგვისტოს და სექტემბრის თვის ნომრებში (პერიოდულობა 1-15 აგვისტო, 16-31 აგვისტო, 1-15 სექტემბერი, 16-30 სექტემბერი); ორი-ორი გვერდი, დაწესდა ყველა საარჩევნო სუბიექტისათვის თანაბარი ფასიანი (1 სამაკეტო უჯრა) და უფასო ფართი. მოცულობა - გამოყოფილი 1 ერთი გვერდის მესამედი თითოეული მერობის კანდიდატისა და პარტიებისთვის.

არჩევნებში მონაწილე სუბიექტებმა მოგვმართონ შემდეგ მისამართზე: ჭავჭავაძის ქ.№103, ტელეფონი: 0413 276 150. გაზეთი „კოლხეთი“

სამხედრო-სამოქალაქო ურთიერთობები - „Agile Spirit 2021“



„Agile Spirit 2021-ის“ ფარგლებში, სამხედრო-სამოქალაქო ურთიერთობების განმტკიცებისა და მრავალეროვნული სწავლებების შესახებ ცნობიერების ამაღლების მიზნით, „Agile Spirit 2021-ის“ ქართველმა და ამერიკელმა ხელმძღვანელებმა, ბრიგადის გენერალმა კობა გრიგოლიამ და პოლკოვნიკმა კრის მარშალმა, სენაკის მუნიციპალიტეტის მერთან ლევან კუპრეიშვილთან, პირველ მოადგილესთან გრიგოლ ბალათურასთან ერთად, ადგილობრივი ხელისუფლების წარმომადგენლებისა და სენაკელი ახალგაზრდებისთვის, მრავალეროვნული წვრთნების, ნატოსა და ევროკავშირის შესახებ საინფორმაციო შეხვედრა გამართეს. შეხვედრაზე ნატოს სამეკავშირეო ოფისის ხელმძღვანელის მოადგილე პირიტ პიკერი და წვრთნებში მონაწილე ქვეყნების თავდაცვის ატაშეები იმყოფებოდნენ.

დეტალური ინფორმაციის გაზიარების შემდეგ, შეხვედრა კითხვა-პასუხის რეჟიმში გაგრძელდა, ბოლოს კი, მონაწილე სტუმრებს სიმბოლური საჩუქრები გადაეცათ.

„Agile Spirit 2021“ საქართველოში, სწავლება 5 ლოკაციაზე გაშლილი, სადაც სხვადასხვა აქტივობა ერთმანეთის პარალელურად - სენაკში, მე-2 ქვეითი ბრიგადის ბაზაზე, სორტა / ეკის საწვრთნელ ბანაკში, ორფოლოს პოლიგონზე, ვაზიანის პოლიგონსა და ვაზიანის სამხედრო აეროდრომზე მიმდინარეობს. მასში ნატოსა და პარტნიორი 15 ქვეყნის 2500-ზე მეტი სამხედროა ჩართული. წვრთნები როგორც სავალდებულო, ასევე სამეთაურო-საშტაბო კომპონენტებს მოიცავს.

„Agile Spirit 2021“ საქართველოს თავდაცვის ძალების დასავლეთის სარდლობისა და ევროპასა და აფრიკაში აშშ-ის არმიის სარდლობის ორგანიზებით იმართება და მას დასავლეთის სარდალი, ბრიგადის გენერალი კობა გრიგოლია ხელმძღვანელობს.

შეხვედრის დასასრულს, სტუმრებმა განახლებული თეატრი და ის ლოკაცია დაათვალიერეს, სადაც პირველი ავტომობილის ინსტალაციაა მოწყობილი.

შეხვედრა სენაკის „ეტალონ მოსწავლესთან“

სენაკის მუნიციპალიტეტის მერი ლევან კუპრეიშვილი, პირველ მოადგილესთან, გრიგოლ ბალათურასთან და შესაბამისი სამსახურის წარმომადგენლებთან ერთად, ყიული შარტავას სახელობის მეორე საჯარო სკოლის მეათე კლასის წარმატებულ მოსწავლეს, სოციალურ-საგანმანათლებლო პროექტ „ეტალონის“ გამარჯვებულს, „სენაკის ეტალონი მოსწავლის ტიტულის მფლობელს, ზურაბ ნირქვაძეს შეხვდა.



ზურა მრავალმხრივი შემოქმედებითი ნიჭით გამოირჩევა. ის სენაკის მუნიციპალიტეტის ხელოვნების ცენტრის გიტარისტთა განყოფილების წარჩინებული მოსწავლეა. მიმდინარე წელს მას სენაკის მეშვიდე მუსიკალური ფესტივალის ლაურეატის წოდება მიენიჭა.

სენაკის მუნიციპალიტეტის მერმა ლევან კუპრეიშვილმა „სენაკის ეტალონი მოსწავლეს“ მოპოვებული გამარჯვება მიულოცა, ერთჯერადი ფულადი ჯილდო -1000 ლარი გადასცა და წარმატებები უსურვა.

ზურაბ ნირქვაძეს ასევე გადაეცა დიპლომი, საქართველოს განათლებისა და მეცნიერების სამინისტროს 1000 ლარიანი ვაუჩერი და ქუთაისის საერთაშორისო უნივერსიტეტის რექტორის, ალექსანდრე თევზაძის გადაწყვეტილებით, 500 ლარიანი ჯილდო.

ფოლკლორის ფესტივალი



ნოქალაქევის ისტორიულ ციხე-ქალაქში, სენაკისა და ჩოხატაურის ვაჟთა ანსამბლების - „მუსიკელის“ და „ამაღლების“ მონაწილეობით, ფოლკლორის ფესტივალი „ხალხური საღამოები“ გაიმართა.

ფესტივალს სენაკის მუნიციპალიტეტის მერის პირველი მოადგილე გრიგოლ ბალათურა, ადგილობრივი თვითმმართველობის და საზოგადოების წარმომადგენლები დაესწრნენ.

ფესტივალი ფოლკლორის ცენტრის ინიციატივით და საქართველოს კულტურის, სპორტისა და ახალგაზრდობის სამინისტროს მხარდაჭერით, საქართველოს სხვადასხვა სოფელსა თუ ქალაქში იმართება.

მასში მონაწილეობას 18 ფოლკლორული, 16 საოჯახო ანსამბლი და 3 ინდივიდუალური შემსრულებელი ღებულობს. საზაფხულო კონცერტები აგვისტოს ბოლომდე გაგრძელდება.

კონცერტი ცნობილი ქართველი შემსრულებლების შემსრულებლების მონაწილეობით

ქალაქის ამფითეატრში, ცნობილი ქართველი შემსრულებლების — თემურ ცაგურას, ზურა მანგაძის, ნუგზარ ერგემიძის, მაკა ქაჯაიას და კაკო ვაშალომიძის მონაწილეობით, შოუ კონცერტი გაიმართა.



სალამოს მერიის განათლების, კულტურის, სპორტისა და ახალგაზრდობის სამსახურის უფროსი გივი მისაბიშვილი, ადგილობრივი თვითმმართველობისა და საზოგადოების წარმომადგენლები დაესწრნენ. სცენაზე მონატრებული ქართული

სიმღერები აჟღერდა. სალამოს მაკა ქაჯაია უძღვებოდა.

პროექტი საქართველოს კულტურის, სპორტისა და ახალგაზრდობის სამინისტროს მხარდაჭერით ხორციელდება.

მარათონი მრავალეროვნული სწავლების ფარგლებში

„მტკიცე სული 2021“-ის ფარგლებში, სწავლებაში მონაწილე სამხედრო მოსამსახურეებმა მარათონი გამართეს.

მარათონის მსვლელობაში, „Agile Spirit 2021-ის“ ქართველ და ამერიკელ ხელმძღვანელებთან და სამხედრო პირებთან ერთად, მონაწილეობა სენაკის მუნიციპალიტეტის მერის პირ-

ველმა მოადგილემ, გრიგოლ ბალათურამ მიიღო.

სპორტული აქტივობა მეგობრობის საერთაშორისო დღეს მიეძღვნა.

მარათონის დასრულების შემდეგ, „Agile Spirit 2021-ის“ ქართველმა და ამერიკელმა ხელმძღვანელებმა, ბრიგადის გენერალმა კობა გრიგოლი-

ამ და პოლკოვნიკმა კრის მარშალმა, სამხედრო პირებთან ერთად, საქართველოს ეროვნული გმირის, ყიული შარტავას ბიუსტი ყვავილებით შემკვეს და აფხაზეთისა და აგვისტოს ომებში დაღუპული ქართველი მეზღოლების ხსოვნას პატივი მიაგეს.



ფოტოგამოფენა აგვისტოს ომს მიეძღვნა



2008 წლის აგვისტოში რუსეთ-საქართველოს ომი იყო ოკუპანტი ქვეყნის მორიგი აგრესია საქართველოსადმი. უშედეგო და უთანასწორო ომში კიდევ ერთხელ გამოჩნდა სამშობლოს სიყვარულით გულანთებული ადამიანების სიმამაცე და თავდადება. თუ რა შეუძლია გმირ ნინაპრთა მავალითზე აღზრდილ ხალხს.

ქართულმა ჯარმა და მასთან ერთად მოსახლეობამ აჩვენა შეუდარებელი სიმამაცე და შეუდრეკელობა. შინდისის ბრძოლა გახლავთ თვალნათელი მაგალითი გმირობისა. ბრძოლებს შეენირა 17 სამხედრო მოსამსახურე: ალექსანდრე ონიანი, ემზარ ნილოსანი, ვეფხვია ჯიშკარიანი, ზვიად კაცაძე, თეიმურაზ ბერიძე და სხვები.

-ომის დროს დაიბოძა სოფლები, დაინგრა საცხოვრებელი და დამხმარე ნაგებობები, სკოლები და ბალები. გაიძარცვა სამხედრო ბაზები. (გორში, სენაკში. ფოთში) მტერმა გამოავლინა ვერაგული სისასტიკე და დაუნდობლობა. ომს შეენირა არა ერთი სენაკელი ვაჟკაცი. მათ შორის: ლ. თეფანია, თ. ბოკუჩავა, ვ. ქარდავა, გ. ინჯგია, რ. ქარდავა და სხვები.

ყიული შარტავასა და მისივე სახელობის მხარეთმცოდნეობის მუზეუმში მოეწყო ფოტო გამოფენა, მიძღვნილი 2008 წლის აგვისტოს ომისადმი. წარმოდგენილი იქნა როგორი სასტიკი და საშინელი იყო თანამედროვე ტექნიკით შეარაღებული მტრის ძალადობა.

ბ. დავითაძე

სადეზინფექციო სამუშაოები



სამხედრო დასახლებაში, მუნიციპალიტეტის მერიის მხარდაჭერით, ა(ა)იპ „სენაკის მუნიციპალიტეტის საზოგადოებრივი ჯანდაცვის ცენტრისა“ და ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის ორგანიზებით, ტრანსმისიური დაავადებების პრევენციული ღონისძიებების ფარგლებში, ანტიმალარიული სამუშაოები ჩატარდა. სადეზინფექციო სამუშაოები დევნილთა დასახლებას სრულად მოიცავს.

მუნიციპალიტეტის მერიის საზოგადოებასთან ურთიერთობის და ინფორმაციული უზრუნველყოფის განყოფილება

შედეგით კმაყოფილი ვარ

ეროვნული ინტელექტ-ჩემპიონატი „ეტალონი“ მიზნად ისახავს მოსწავლეებში განათლების პოპულარიზაციას, ცოდნის გაღრმავებისა და ინფორმაციის მოძიების ხელშეწყობას, დაინტერესების და მოტივაციის გაზრდას. პედაგოგთა შრომის ხელშეწყობას, დაფასებას, ნიჭიერი და გამოჩენილი მოსწავლეების აღმოჩენას, წარმოჩენას და წახალისებას. პროექტი ხელმისაწვდომია საქართველოს ყველა სკოლის უფროსკლასელებისთვის. „ეტალონი“ ბავშვებს საკუთარი ინტელექტუალური შესაძლებლობების გამოვლენის საშუალებას აძლევს. მიუხედავად იმისა, რომ 2021 წელს, პროექტი დისტანციურ რეჟიმში მიმდინარეობს, მოსწავლეები ერთმანეთს ჯანსაღ მეტოქეობას უწევენ და ღირსეულად იმარჯვებენ.

28 ივლისს, სენაკში, საქართველოს განათლებისა და მეცნიერების სამინისტროს მხარდაჭერით დისტანციური ფორმატით ჩატარდა ინტელექტ-ჩემპიონატი „ეტალონი“ 2021. „ეტალონის“ 2021 წლის პირველი პერიოდის კონკურსის პირველი ადგილის მფლობელი ყოფილი შარტავის სახელობის სენაკის NII საჯარო სკოლის მოსწავლე ზურაბ ნირქვაძე გახდა. მან, 6 წუთსა და 35 წამში, 61 ქულა მოაპოვა.

ზურა მრავალმხრივი შემოქმედებითი ნიჭით გამოირჩევა. ის სენაკის მუნიციპალიტეტის ხელოვნების ცენტრის გიტარისტთა განყოფილების წარჩინებული მოსწავლეა. მიმდინარე წელს მას სენაკის მეშვიდე მუსიკალური ფესტივალის ლაურეატის ნოდება მიენიჭა.

ზურაბ, გილოცავ „ეტალონი მოსწავლის“ ტიტულს, როგორი იყო გზა ფინალამდე? გმადლობთ მოლოცვისთვის. ფინალამდე იყო შესარჩევი ტური სკოლაში, შემდეგ ჩატარდა შეჯიბრი სკოლებში გამარჯვებულ მოსწავლეებს შორის სენაკის მასშტაბით, სადაც პირველ-მეორე ადგილებზე გავედით მე და ჩემი ძმა. მე, როგორც სენაკის წარმომადგენელმა მოსწავლემ, 28 ივლისს მივიღე მონაწილეობა ფინალურ ტურში, საქართველოს ეტალონი მოსწავლის გამოსავლენად

„ეტალონი“ წელს უჩვეულო ფორმატით ჩატარდა, რთული ტესტები იყო?, როგორი იყო კონკურენცია?

კონკურსი საკმაოდ რთული იყო, რადგანაც ტარდებოდა ონლაინ რეჟიმში. ტესტის შესრულება სპეციფიკურ მომზადებას საჭიროებდა. სწორი პასუხების გაცემასთან ერთად მნიშვნელოვანი იყო დროის კოტროლი, ერთ კითხვაზე პასუხის გასაცემად 30 წამი იყო გამოყოფილი. კითხვები იყო ქართული ლიტერატურიდან და გრამატიკიდან, ისტორიიდან, გეოგრაფიიდან, ბიოლოგიიდან, ქიმიიდან, ფიზიკიდან და მათემატიკიდან.

კონკურენცია საკმაოდ მაღალი იყო. რაც შეეხება ფინალს, მონაწილეობა მივიღეთ 22 მოსწავლემ, რომელთა შერჩევაც მოხდა ქულების მიხედვით. ძალიან მიხარია რომ გავიმარჯვე. ნამდვილად კარგი კონკურსია და დადებითად ვაფასებ. გულწრფელად მივესალმები მსგავსი ტიპის კონკურსებს. ჩვენი სკოლები აქტიურად მონაწილეობენ ეროვნულ ინტელექტ-ჩემპიონატში. შედეგით კმაყოფილი ვარ.

წლევანდელი წელი წარმატებული იყო შენთვის, გახდი სენაკის Art ფესტივალის ლაურეატი. რა ადგილი უჭირავს



მუსიკას შენს ცხოვრებაში?

მუსიკა ჩემთვის ძალიან მნიშვნელოვანია, დავამთავრე მუსიკალური სკოლის ფანდურის, ფორტეპიანოს და გიტარის კლასები. გიტარისტთა კვარტეტი, სადაც ჩემი ძმაც უკრავს, პირველად ლაურეატი სენაკის Art ფესტივალზე გახდა 2019 წელს, წელს კი მეორედ გავხდით ლაურეატები. მუსიკალური სკოლიდან ბევრ კონკურსსა და ფესტივალში მაქვს მონაწილეობა მიღებული.

როგორც ვიცი სპორტის სიყვარულითაც გამოირჩევი და დაწარმატებებიც გქონდა.

ვთამაშობდი სენაკის სპორტსკოლის კალათბურთის გუნდში, გვქონდა გარკვეული მიღწევებიც. ვთამაშობ მაგიდის ჩოგბურთს, მიყვარს ცურვა, ფეხბურთი, ჭადრაკი. 2017 წელს გავხდი სენაკის ჩემპიონი ჭადრაკში. ამ პერიოდისათვის აქტიური სპორტით არ ვარ დაკავებული, მხოლოდ ტოკიოს ოლიმპიადაზე ქართველი სპორტსმენების გულშემატკივრობით შემოვიფარგლები.

ვსარგებლობ შემთხვევით და მადლობას ვუხდის სენაკის მერს ბატონ ლევან კუპრეიშვილს გულთბილი შეხვედრისათვისა და ფულადი საჩუქრისათვის. მადლობას ვუხ-

დი აგრეთვე ქალბატონ ირმა კუპრეიშვილს, რესურსცენტრის უფროსს ქალბატონ დარეჯან ზარანდიას, ჩემს სკოლას მხარდაჭერისათვის.

პროექტის მნიშვნელობაზე გვესაუბრა სენაკის მუნიციპალიტეტის მერიის განათლების, კულტურის, სპორტის და ახალგაზრდულ საქმეთა სამსახურის უფროსმა გივი მისაბიშვილი, რომელმაც აღნიშნა: „ეტალონი“ ძალიან კარგი პროექტია, მსგავსი ტიპის კონკურსები ძალიან მნიშვნელოვანია მოსწავლეებისათვის, მათი ცნობიერების ამაღლებისთვის, განვითარებისთვის. მიხარია, რომ ამდენი ახალგაზრდაა ჩართული და თავის ცოდნას ავლენენ. მადლობას ვუხდის ბატონ გოჩა ტყემელაშვილს ასეთი კარგი პროექტისათვის, რომ ბავშვებს ამ შანსს აძლევს.

მუნიციპალიტეტის მერია მსგავსი ტიპის კონკურსებს მუდამ უჭერს მხარს. კონკურსი, წელს, შექმნილი ვითარებიდან გამომდინარე, ონლაინ ფორმატში ჩატარდა. მიუხედავად ამისა, ღონისძიებამ ძალიან კარგად, ორგანიზებულად ჩაიარა. ვულოცავ ზურა ნირქვაძეს გამარჯვებას და ვუსურვებ წარმატებებს.

კოლხეთის რედაქცია ულოცავს ზურას ეტალონი მოსწავლის საპატიო ნოდებას, უსურვებს ეს გამარჯვება ყოფილიყოს არაერთი გამარჯვების საწინდარი.

მ. ჭუბაბრია


ლია სალაყაია

გარდაიცვალა თბილისის სასულიერო აკადემიისა და სემინარიის ღვანლმოსილი პედაგოგი, საპატრიარქოს რეგენტი, ჩვენი თანაქალაქელი, უაღრესად ნიჭიერი და ერუდირებული პიროვნება ლია სალაყაია. მან მთელი თავისი შეგნებული ცხოვრება მოანდომა ქართული საგალობლების შესწავლა-პოპულარიზაციას.

ფეხით ჰქონდა შემოვლილი საქართველოს ყველა კუთხე. ჩვენი რაიონის მკვიდრის, ცნობილი სახალხო მთქმელის ლადი სალაყაიას შთამომავალს ადრეული ასაკიდან ჰქონდა შესისხლხორცებული ქართული ფოლკლორისა და უწმინდესი საგალობლების სიდიადე.

ულმობელმა კორონავირუსმა შეინირა მისი სიცოცხლე. ღრმა მწუხარებას გამოვთქვამთ ქალბატონ ლია სალაყაიას გარდაცვალების გამო და სამძიმარს ვუცხადებთ მის დისშვილებს, ახლობლებს, ნათესავებს.

გაზეთ „კოლხეთის“ რედაქცია



საინფორმაციო ცენტრის თანამშრომლები თანაუგრძნობენ გელა კინწურაშვილს მამის

ირიდი კინწურაშვილის
გარდაცვალების გამო

გაზეთ „კოლხეთის“ თანამშრომლები თანაუგრძნობენ ღვანლმოსილ ექიმს, საპატიო სენაკელს თეიმურაზ ხურციძეს ქალიშვილის

თიკო ხურციძის
გარდაცვალების გამო

გაზეთ „კოლხეთის“ თანამშრომლები თანაუგრძნობენ ყულიეტა ჩაჩიაბაიას დის

ლიანა ჩაჩიაბაია-ვაჟას
გარდაცვალების გამო

გაზეთ „კოლხეთის“ თანამშრომლები თანაუგრძნობენ ეკა და გოჩა აბუთიძეებს, რომან მამულიას დედის და დის

ლია მაგულია-აბუთიძის
გარდაცვალების გამო.

<p>სარედაქციო აკრძალვა</p> <p>მთავარი რედაქტორი ნინო სარტანიანი</p> <p>რედაქტორი მელა ბალათურია</p> <p>კორექტორები: მანა გარბაია, მარია მიქაბერიძე</p> <p>ეკონომიური სამსახურის სპეციალისტი ჭალიბა ჩაჩიაბაია</p>	<p>რედაქციის მისამართი:</p> <p>სენაკი, ჯავახიძის ქ. №103, ტელ: 276150</p> <p>რედაქცია ხალხმწიფანლოზს თავისუფალი პრესის პრინციპით, არ გამოხატავს პოლიტიკური და საზოგადოებრივი ორგანიზაციის ინტერესებს.</p> <p>ინტელექტი 66529</p>	<p>რეგისტრირებულია სენაკის სასამართლოში</p> <p>რეგისტრაციის №56/7-17</p> <p>გაზეთი აკრძალულია აიხეო, დაჯავბოდო და ოფსეტური წესით დაიბეჭდა შპს „ბოლი 25“</p> <p>ქ. ქათამისი, ილია ჯავახიძის გამზ. 33</p> <p>ტელ: 223779, 223711, 223499</p>
--	--	--